

汝寧府志

卷廿一二

汝寧府志卷二十一

節烈

周蔡人之妻者宋人之女也既嫁於蔡而夫有惡疾其母將改醮之女曰夫之不幸乃妾之不幸也奈何去之不得聞采芣苢之草乎雖極臭惡始於撝之終於懷顧之浸以益親況於夫婦之道乎彼無大故又不遣妾何以得去終不聽母言乃歌芣苢之詩君子曰宋女之志甚貞而一也

召南申女者申人之女也既許嫁於鄆夫家禮不備而欲迎之女與其人言以爲夫婦者人倫之始也不可不正傳曰正其本則萬物理失之毫釐差之千里是以本

汝寧府志卷二十一

節烈

一

立而道生源潔而流清故嫁娶者所以傳重承業繼續先祖爲宗廟主也夫家輕禮違制不可以行遂不肯往夫家訟之於理致之於獄女終以一物不具一禮不備守節持義必死不往而作詩曰雖速我獄室家不足言夫家之禮不備足也君子以爲得婦道之儀故舉而揚之傳而法之以絕無禮之求防淫慾之行焉

漢馬氏融之女汝南袁隗之妻也字倫少有才辨融家世豐豪裝遺甚盛及初成禮隗問之曰婦奉箕帚而已何乃過珍麗乎對曰慈親垂愛不敢逆命君若欲慕鮑宣梁鴻之高妾亦從少君孟光之事矣隗又曰弟先兄舉世以爲笑今處姊未適先行可乎對曰妾姊高行殊邈

未遭良匹不似鄙薄苟然而已又問曰南郡公學窮道與文爲辭宗而所在之職輒以貨財爲損何耶對曰孔子大聖不免武叔之毀子路至賢猶有伯寮之愬家君獲此固其宜耳隗默然不能屈帳外聽者爲慚隗旣寵貴當時倫亦有名於世年六十餘卒

張邵母

見邵傳

范滂母

見滂傳

戴氏五女皆正陽戴良女也性資嚴明勤事女工質貌雖不殊咸克遵家訓而婦德甚備每有求婚良輒便許嫁粗裳布被竹筥木屐以遣之節操行誼有隱者風焉吳孫權袁夫人汝陽人袁術女也有節行而無子權以諸姬子與養之輒不育及步夫人薨權欲立之夫人自以無子固辭不受

汝寧府志卷二十一

節烈

二

晉李氏字絡秀汝南人周顗母也顗父浚爲安東將軍出獵遇雨過絡秀家會其父兄不在絡秀與一婢於內宰猪羊具數十人饌甚精辦而不聞人聲浚怪使覘之獨見一女子甚美浚因求爲妾其父兄初不許絡秀曰門戶殄瘁何惜一女若連姻貴族將來或大益父兄許之遂生顗及嵩謨由此李氏在世得爲方雅之族

徐元妻許氏年二十一喪夫子甄方三歲父攬怒其年少逼適同縣張買許自誓不行父逼載送買許自經氣絕家人奔赴良久乃蘇買知不可奪夜送還攬許歸徐

氏至宋元嘉中年八十餘卒

梁州刺史朱序母韓氏序鎮襄陽符堅遣其將苻丕等率衆圍序韓自登城履行謂西北角當先受弊遂領百餘婢於其角斜築一城賊果攻破西北角衆守新築城以禦丕遂引退襄陽人謂此城爲夫人城韓氏義陽人唐鄴侯李泌母周氏幼時有異僧僧伽從泗上來見而奇之曰此女後當歸李氏而生三子其最小者慎勿以紫衣衣之當起家金紫爲帝王師泌父李承休爲吳房令娶之周氏旣娠凡三年方寢而生泌生而髮至於眉先是周每產必累日困憊惟婉泌獨無恙由是小字爲順天寶十二載周氏卒泌歷事元宗及肅代德四朝軍謀

汝寧府志卷二十一 節烈

三

相業載於國史位至宰相封侯

竇桂娘蔡州竇良女也父爲汴州戶曹掾李希烈陷汴州逼之行竇顧其父曰憤無戚必能滅賊使大人取富貴於天子後有寵秘結陳仙奇夫婦希烈死於毒竇出蠟帛丸令仙奇斬希烈妻子七首

董昌齡母楊氏世居蔡昌齡事吳元濟爲吳房令母嘗密戒曰逆順成敗兒可圖之昌齡徙鄆城母復曰逆賊欺天神所不祐當遠降無以我爲累兒爲忠臣吾死不恨會王師逼鄆城昌齡乃降憲宗喜卽拜鄆城令兼監察御史昌齡謝曰母之訓也帝嗟歎元濟囚母欲殺者屢與蔡平而母在陳許節度使李遜表之封北平郡太君

老嫗蔡州人高中丞卓吳楚遊學十餘年衣布縷乘牝
衛薄遊蔡州州牧待之似厚而爲吏難阻每宴集合召
則云南秀才自以衣冠不整稱疾不赴羈旅窮愁似無
容足之地惟城南鬻飯老嫗待之無厭色後十七年卓
爲蔡州牧曰古人一飯之恩必報睚眦之怨必酬遂戮
仇吏而報飯嫗焉後轉黔南經畧使

李湍妻某氏籍吳元濟軍元和中自拔歸烏重允妻爲
賊縛而鬻食之將死猶號湍曰善事烏僕射觀者歎泣
重允請以其事屬史官詔可

宋范氏莊十一妻年二十七歲而寡子幼家貧親戚勸他
適氏遂剪髮自誓縫績以養舅姑年八十事聞旌爲貞

節
汝寧府志卷二十一 節烈

四

元太尉李思齊之妾鄭氏元末汝潁兵起思齊率兵屢復
郡縣已而內陞江西行省左丞卒于官氏遂自縊死事
聞追贈淑人謚貞烈

汝陽縣

明吏部尙書趙好德妻張氏侍郎毅之母也元季大亂好
德將杖策往謁高祖顧謂張曰奈汝娘何張曰是男歸
君是女則母子俱死而已遂洒泣而別張攜家避難抵
華州力作自給明年毅生戊申洪武改元好德守安慶
張攜毅東歸適好德遣人往迎遇諸大梁張以毅付使
者曰我所忍死以待者爲此子耳今令歸若主吾事畢

矣遂悲傷發病卒洪武八年誥贈爲淑人

汝寧府知府申達女申氏達於永樂間守汝與千戶郭昇相慕好睹其子瑛眉目不凡許以女妻之年十六歸瑛婉婉恭淑克嫺婦道生一子興甫七月瑛遭疾申侍湯藥晝夜不離側旣而卒申以頭觸柱血流濡衣割左耳以自誓葬瑛後足未嘗出戶庭奉姑育子四十餘年子長襲職誥封爲宜人瑛猶子賀早卒其妻劉氏方二十五歲毀容勵節孀居三十餘年正德改元有司以聞俱旌表之

胡冕妻趙氏尙書好德曾孫女天順初適冕逾五載生子貞甫及六月冕病卒趙矢死守節終養舅姑居貧教

汝寧府志卷二十一

節烈

五

子嘗脫簪珥佐之貞領宏治十七年鄉薦縣官雷宗以事聞詔表其門

趙瑀妻房氏永樂六年瑀出商清江溺死房年二十遺腹子俊氏年七十三卒事聞旌表

王全妻劉氏年二十七而寡遺腹子端氏卒年八十有六事聞旌之

毛忠妻蘭氏永樂末忠卒于戍蘭抱三女紡績自給成化間都御史李衍給廩米月一石卒年百歲有司上其事劉漢妻余氏成化十五年適劉生子林甫歲餘漢卒余守節刺繡以養舅姑親黨有議奪其志者余夜撫林而泣曰吾不能顧汝矣乃自縊賴衆救得免翁姑相繼

卒余竭力營葬正德癸酉林舉於鄉有司始以事聞旌表其門

桂蘭妻張氏宏治初歸桂明年生子祥甫九閱月而蘭卒張誓不他適紡績自給孝奉舅姑撫祥業儒領正德丙子鄉薦授泗州知州陞工部員外郎事聞詔表其門年九十二卒

李暹妻蔡氏暹卒蔡年二十八矢死靡他日課子尙德讀書稍長娶婦詹氏居數年尙德卒詹年方二十七時值饑饉兼有寇變詹事孀姑撫孤兒保門戶子麒麟婦朱氏亦竭力奉養不廢甘旨無何麒麟又病劇泣語朱曰天禍吾家吾必不起二孀一孤以累汝矣遂卒卒之日朱

汝寧府志卷二十一

節烈

六

年方二十六一孤呈芳僅四齡有族人屢以橫逆來迫朱嫁朱仰天大慟截髮自誓族人始慚沮去鄰里相歎以爲世節云萬歷癸巳呈芳子本固官御史具疏自陳詔旌三節之門

劉氏二女者汝陽縣南馬鄉人也父劉玉生七女家貧力田嘗蠶耕墾上歎曰生女不生男緩急非所宜其第四女第六女聞之惻然誓不字人乃著短衣代父耕作日以菽水承歡不啻兩當戶兒及父母相繼卒二女哭之慟無力營葬卽屋爲丘不忍離親側也隆慶四年知府史桂芳聞其事同督學楊俊民躬詣其舍請二女出見年皆逾六十椎髻而前形容顛頓兩公太息爲之泣

下爲置一區於郡城題其門曰孝節雙清仍月給粟布
贍之終身

諸生吾志學妻張氏女而士行言笑不苟及志學卒年
才二十有七守節不渝嘉靖三十四年旌表其門

庠生周基妻蘭氏基病卒蘭長號不食志甘司穴其兄
妹勸慰之蘭曰舅姑蚤世終鮮一丁何用生爲越二十
日竟縊死柩側時隆慶三年三月知府史桂芳聞之爲
文以弔請於臺使具題旌表其門曰貞烈

御史羊可立繼妻秦氏可立卒氏年方二十六歲幼子
三桂甫三歲躬勤織紡撫孤延師姻婭中多奉爲母儀
年七十七卒鄭撫陳禹謨表其事後舉人羊一中妻吳

汝寧府志卷二十一 節烈

七

氏年二十七歲而寡守節四十年卒直指崔邦亮旌其
門曰一門雙節

汝陽省祭李紹妻張氏年二十四紹卒張七日不食誓
甘同死姑抱兩嬰苦勸始食撫子夢登夢陽及遺腹子
夢蛟俱爲邑弟子員年七十七事聞詔表其閭

生員劉鎬妻景氏鎬故氏年二十六事姑教子節孝兩
全事聞詔表其閭

舉人孔心繼妻宋氏心卒氏年二十五歲無出撫前妻
子守節四十年崇貞十四年旌表

生員趙孝祖繼妻余氏孝祖亡氏年二十四歲撫前妻
子勤苦終身御史金光辰具題旌表

經一魁妻馬氏魁亡氏年二十九歲苦節踰五十年御史劉令譽題請旌表

田貢妾劉氏貢年七十病革置酒囑族人及子若姪曰吾病殆不起劉氏可令其他適念其侍奉之勤爲求一良匹劉聞之痛哭幾絕迨貢歿七日家人往鄉刈麥劉自置殮具沐浴更衣縊於棺旁

秋華妻張氏年十九而寡無子剔一目爲誓家貧澣衣自給不免饑寒守貞不渝年九十五卒

尹載妻馬氏尹亡日夜哭聲不絕水漿不入口者七日卒時年二十八歲

生員溫允厲妻韓氏厲故韓年方二十歲崇貞己亥年

汝寧府志卷二十一

節烈

八

流賊破東關被執罵賊不從賊怒殺之次日其子往殮其屍韓目張見子始瞑司李于重華往弔之

李莊靖公妾余氏生子豫潢皆幼莊靖公歿遺孫根茂年十二根盤年九歲李氏族微並無伯叔兄弟時流寇猖獗將及汝寧余氏嘆曰莊靖爲國元臣而後人孤弱如此李氏其斬矣遂將根茂託於舅孔門奇避亂湖廣次孫根盤託於姪孫余金未半載而城陷遂被害

舉人劉元琰妻桂氏元琰登賢書纔年餘病故隨舅姑赴任栢鄉明崇貞戊寅年栢鄉城陷僕婦勸氏逃走氏曰此去家鄉千有餘里又盜賊處處猖獗能免汗辱乎去將安之況吾未亡人自分一死久矣遂取案上刀自

刎

庠生桂浚妻王氏崇貞壬午闖賊圍城氏謂其女三姐曰汝姊隨姑栢鄉城破自刎今又遭亂指其居邊大坑曰此我與汝之家也城陷看其女至淡水趕抱同溺死庠生門琳熙妻桂氏闖寇陷汝氏跳入馬場街井中賊至撈起驅之行不聽賊以刀背擊之氏大罵賊砍傷其背罵愈厲羣賊亂刀齊下立碎於井邊汝人哀之某氏失其姓賊驅至營踞坐頻呼之不應衆婦擁向賊義不受辱賊曰汝敢不從乎對曰雖死不從賊怒殺之次日賊目嘆惜附以衣親瘞埋之

廩生孔門英妻李氏工部本固姪女也壬午汝城陷門

汝寧府志卷二十一

節烈

九

英病故氏年四十歲備歷艱險事姑宋氏不以荒亂乏故而少替婦禮姑年八十三歲卒年已六十餘矣哀泣之誠感動鄰里年九十卒

楊景先妻李氏年二十二寡年八十有二卒

楊名妻王氏子甫四歲王每夕焚香籲天佑子以存夫祀有司三上其事

訓導李謙妻田氏謙蚤卒二子在抱田扶櫬歸年六十八卒子俱庠生

千戶倪貴妻鄒氏貴亡子誠甫三歲剪髮傷目誓絕外通居五十餘年子得襲爵

尹瓚妻王氏年十七適瓚子爲數月孀居五十餘年

穆伯玘妻閭氏年十九適玘甫生子鸞而伯玘卒閭堅志五十餘年

王偉妻倪氏從偉隨父平陽年二十二偉卒子漑甫二歲年七十卒

鄭鼎妻劉氏年十九孀居子甫七閱月歷四十餘年卒倪越妻麻氏年二十越故京師子守仁甫八月守六十餘年卒

觀察楊位妻魏氏侍母疾食不下咽目不交睫者經旬後先八日母女偕亡郡邑稱其孝

舉人熊選妻鄧氏年二十八選亡子勉學甫三歲後封太孺人年八十二卒

汝寧府志卷二十一

節烈

十

生員張元吉妻石氏年二十二元吉故子庠生期遠時方二歲守二十三年卒

伍臣妻范氏年二十三臣亡氏撫子汝忠嗣百戶官遊擊將軍

劉綱妻孔氏年二十七綱亡守子廩生際美以壽終董科妻嚴氏年十九守遺腹子生員自立歷七十餘歲卒

劉正陽妻陳氏年二十四正陽故撫子九成九思年六十八卒

生員趙明善妻樊氏年二十五明善亡哭七日而死子大任大儒俱庠生

生員張拱北妻劉氏父仲實國子生年二十一拱北亡子廩生復泰七閏月守三十一年卒

王琮妻劉氏適琮四年而寡子幼壽踰八十卒

任富妻王氏妾李氏李生恩三齡兩孀護孤王年九十
一卒李七十二卒孫宏道庠生

生員白璧妻路氏年二十四璧亡壽七十二學使者旌
其節

張桐妻王氏適桐三年而寡子未及週壽六十二學使
者旌其節

生員王汝錫妾趙氏年二十三汝錫亡子之維郡廩生
甫三閏月氏年八十卒

汝寧府志卷二十一 節烈

士

劉啟陽妻關氏啟陽卒氏年二十撫幼男九耀紡績自
活儉勤訓子年七十卒邑令楊文昌給扁獎之

生員楊道晉妻謝氏晉卒氏年方二十守節撫孤終始
如一年四十終有司聞其事獎之子楊世清庠生

李尙金妻鄒氏尙金故氏年二十六撫子克敬入庠次
子克忠能書卒年七十七

監生桂首攀妻李氏首攀卒李氏年方二十一歲妾霍
氏年十九歲矢志同守生遺腹子淳以雙節舉於學給
扁獎之

生員胡景寧妻趙氏夫故氏孀居撫二子長瑞次瑞登
舉瑞尤稱名士奉詔表閭有節孝錄

沈一鰲妻胡氏一鰲卒氏年二十八紡績度日竭力奉姑六十餘年終

國朝生員傅孕恒妻賴氏孕恒從父任南贛歿於任所賴年二十四事舅姑撫諸孤歷四十年順治十五年巡按御史李具題旌表子鰲祥副使鰲祥知府鶚祥鴈祥俱廩食

傅鰲祥妾孔氏鰲祥歿氏年二十二截髮自誓遂長齋不茹葷事太夫人賴氏三十餘年無少懈太夫人每向親族以孝婦稱之子世珏娶桂氏廟見後世珏病不起氏年十六卽獨處一室非父母兄弟罕見其面

庠生韓萬珠妻戴氏貢生戴鵬女也于歸後十餘年萬

汝寧府志卷二十一

節烈

三

珠病故氏以死自誓數日不食遺孤四八長者垂髻幼者方在襁褓親戚勸慰氏免進饘粥家素單寒日以紡績自給縣官邱天英給扁以表其節

廩生李百史妻張氏于歸數年後百史病故氏以守節自誓事上撫孤歷十八年備嘗艱苦子超宗始補諸生旋食廩餼未幾超宗死以百史胞弟璠之子繼嗣氏年幾七十始一開顏

烈女黃年生王店黃星照女也許字王崗店李頴玉子士吉未及嫁康熙二十五年士吉病故女聞訃卽涕泣不食以死自矢父母防之甚嚴後十餘日防稍懈遂自縊知縣邱天英義其事詳請臺使疏聞旌表

生員劉一俊妻陳氏二十而夫亡事舅姑以孝聞舅病薦氏夜禱天地燃一指願長齋終身以請舅命時舅卧床聞神語曰爾兒婦爲爾虔禱行將愈矣病遂痊崇貞十七年汝城陷氏投井而死

崔文芳妻李氏嫁未數年文芳病故舅姑在堂子始三歲家素貧氏拮据經營自食粗糲而時具甘旨以奉之舅姑歿則衣衾棺槨祭葬成禮教子延之讀書成立縣官給扁獎之

馬永福妻潘氏年十六而嫁永福病故子升秀方一歲氏誓以必死舅姑皆近七旬嘆曰爾死則此子亦死馬氏其斬矣氏忍死撫孤時明季荒亂氏從母弟避亂江

汝寧府志卷二十一

節烈

三

南紡績自給 國初還里康熙三十三年 旌

王澤之妻鄧氏舅姑年老家貧典衣鬻釵以供甘旨而自噉粗糲子嘉孝任鳳翔知縣囑云陝西久旱當念百姓疾苦清廉仁慈方不負祖父積德教汝讀書之意牛詳言妻韓氏于歸三載生子甫彌月詳言病故氏方欲從死上有舅姑下有幼孤氏艱苦甘受奉上撫孤皆竭力縣官表其門曰節孝雙美子茹癸卯舉人汲縣教諭

庠生房隆周妻劉氏歸房生三子隆周卒氏矢志守節延師課子晝績夜紡艱苦萬狀歷三十餘年府縣給匾旌之

王明德妻吳氏年二十夫亡上事舅姑下撫幼子值年
荒甘旨無缺

庠生張有琪妻楊氏有早卒無子氏年甫二十二矢
志守節姑李氏亦少年喪夫氏事之甚謹人稱一門兩
節

魏繼孔妻扈氏留盆店人年三十五歲夫病故氏曰夫
死無子不如早死痛哭絕食至七日縊死極前親戚奔
救見自焚紙錢灰未滅已無濟矣

生員楊芳妻吳氏芳死氏年二十八妾張氏年方十八
並無嗣止妾生一女家貧紡績自給吳守節四十三年
張守節四十五年邑令邱公給扁旌之曰苦節雙奇

汝寧府志卷二十一

節烈

西

廩生費貽德子有純聘妻秦氏純死女聞訃不食七日
而死

賈聲遠妻李氏年十九遠卒子方一歲撫之讀書賈堂
兄聲揚妻馬氏聲標妻胡氏聲傳妻張氏皆夫死矢志
守節

張存禮妻朱氏生子凱七歲夫故苦節四十餘年
時文泰妻孟氏年十七而嫁年餘夫亡氏矢志必死一
日父呼氏出迎姑及出見一男子驚回問故父曰爲汝
所擇婿是夕懷双歸夫家舅姑亦謹防之夜使一女伴
寢女寐熟氏遂自刎未殊死人驚起救氏猶手拒之以
指自斷其喉而死

楊東高安余氏東高蚤卒氏年二十二歲撫幼男鬻六
紡織自活嚴于教子年八十而卒府縣給扁獎之
劉敬陽妻關氏敬陽卒氏年方二十撫幼男九耀紡織
自活勤儉訓子年七十卒縣官楊文昌給扁獎之
霍言妻張氏性至孝姑年七十餘病卧床褥穢汚皆手
自捧拂衣被時加澣濯飲食預備精潔者自喂食之姑
暗瞋多暴怒逢怒則進以杖就而笑受之如此數年無
怨色言感其孝曰爾孝吾母吾當養爾終身以報德
也遂迎妻母至家奉事之

邢忠妻張氏年二十六歲忠亡子方週歲全無養贍氏
矢志苦守孝事舅姑義方教子苦節四十餘年年八十

汝寧府志卷二十一

節烈

五

二卒子淑曷廩生

侯拱星妻張氏歸星值姑病劇氏告天願以身代姑痊
遂願茹素終身賢孝之名著於閭里未幾夫故誓以死
殉親族勸曰汝子方二歲汝亡何所倚乎遂轉念撫孤
紡織苦度五十年如一日府縣憐其苦節給扁曰完節
永年曰慈孝流芳子嘉祥樂善好施人推爲長厚君子
王尊夏妻吉氏尊夏蚤故氏年二十一無子矢志守節
熒熒一身苦節五十餘年卒

吳允升妾李氏妻馬氏生一子甫八歲而夫故馬氏謂
李氏曰汝無所出又年幼可改適李氏遂自抉一目以
示無他志焉與馬氏共撫養其子成立守節五十年卒

生員李從嘉妻王氏知府王明福女也嘉死氏年二十八事孀姑身任子職訓幼子母兼師道脫簪葬姑勤紡勵操事闢兩臺給匾給穀

劉士秀妻陳氏年二十夫故矢志撫孤成人娶婦子卒孫方二月育以成人備歷艱苦年八十餘縣官屢給旌
匾

馬永壽妻吳氏歸壽三載壽死氏卽欲從死隣里勸阻氏剪髮毀容示無他志止一女未幾又逝氏孤苦孀居紡織度日舅姑年老多疾氏朝夕侍湯藥不怠有司給匾表揚年八十二臨終呼夫泣血而死

宋之德妻任氏夫故氏年二十三歲遺子廷秀方二

汝寧府志卷二十一

節烈

六

歲氏號泣誓與同死水漿不入口者五晝夜時孀姑年老以子幼百方泣諭始進飲食毀容持素養姑育子苦節三十八年卒

陳美妻張氏歸美數年夫死氏守節撫孤四十餘年

許自德妻馮氏夫亡氏年二十六歲子麒方三歲次麟方一週氏矢志守節紡織撫孤孀居四十餘年人欽其節

李自繩妻劉氏夫故年二十二歲子稟甫三歲氏忍死撫孤苦守節四十年

張玉忠妻張氏年二十忠卒遺一孤尙幼氏紡織撫孤守節四十年